



BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA ČELIĆ
OPĆINSKI NAČELNIK

telefon: 035/668-650
e-mail: info@opcinacelic.ba

Alije Izetbegovića 60-2
75246 Čelić

Broj: *02-45-1526/26*
Čelić, 20.05.2026.godine

Na osnovu člana 39. Statuta Općine Čelić („Službeni glasnik Općine Čelić“, broj: 3/17) i člana 5. Pravilnika o kriterijima, načinu i postupku dodjele finansijskih sredstava za finansiranje/sufinansiranje aktivnosti Manifestacije „Bosna u srcu, Čelić u srcu“ broj: 02-11-805-1/26 od 20.04.2026.godine, Općinski načelnik raspisuje:

JAVNI POZIV

**za podnošenje prijave za finansiranje/sufinansiranje aktivnosti u okviru manifestacije
„Bosna u srcu, Čelić u srcu“ 2026 godine**

I – PRAVO UČEŠĆA

Sredstva iz Budžeta Općine Čelić po ovom Javnom pozivu dodjeljuju se nosiocima aktivnosti Manifestacije, koji mogu biti:

- Mjesne zajednice sa područja općine Čelić
- Udruženja građana registrovana na području Bosne i Hercegovine

Sredstva se mogu dodijeliti u sljedeće svrhe:

- a) troškovi organizacije obrazovnih, kulturnih, sportskih, edukativnih, zabavnih i drugih događaja u okviru Manifestacije,
- b) troškovi nabavke potrebnog materijala za održavanje aktivnosti iz tačke a) ovog člana,
- c) troškovi za sportske događaje:
 - troškovi za angažman službenih lica na utakmicama,
 - troškovi prevoza, smještaja i ishrane gostujućih ekipa,
 - troškovi zakupa fiskulturnih sala za utakmice,
- d) troškovi prevoza, smještaja i ishrane učesnika obrazovnih, kulturnih, sportskih, edukativnih, zabavnih i drugih događaja u okviru Manifestacije,
- e) ostale aktivnosti i projekti iz oblasti kulture, sporta i obrazovanja, očuvanja kulturne baštine i tradicije koje Komisija za odabir korisnika sredstava ocjeni značajnim za stanovnike općine Čelić u okviru Manifestacije.

II- KRITERIJI ZA DODJELU FINANSIJSKIH SREDSTAVA

Opći kriteriji za dodjelu sredstava:

- a) da su korisnici sredstava, mjesne zajednice koje pripadaju općini Čelić,
- b) da su korisnici sredstava, udruženja građana registrovana na području Bosne i Hercegovine i da svoje programske aktivnosti ostvaruju na području Bosne i Hercegovine,
- c) da je podneseni prijedlog aktivnosti sadrži detaljnu specifikaciju troškova aktivnosti, sa informacijama o ukupnom iznosu finansijskih sredstava i iznosu sredstava koji se traži od Općine,

- d) da korisnici sredstava uredno ispunjavaju obaveze iz svih prethodno sklopljenih ugovora, odnosno Odluka o finansiranju iz Budžeta Općine.

Posebni kriteriji za dodjelu sredstava su:

- a) da aktivnost korisnika sredstava se odnosi na građane sa područja općine Čelić,
b) pravo na dodjelu sredstava korisnik sredstava može ostvariti samo jednom u toku budžetske godine za istu aktivnost.

II – DOKUMENTACIJA KOJOM SE DOKAZUJU OPĆI USLOVI IZ TAČKE II OVOG JAVNOG POZIVA

Aplikanti koji se prijavljuju na javni poziv, pored popunjenog prijavnog obrasca, koji je sastavni dio ovog poziva, dužni su dostaviti sljedeću dokumentaciju:

- a) projektni prijedlog – ovjeren i potpisan od strane ovlaštenog lica,
b) Rješenje o registraciji (samo za udruženja),
c) uvjerenje o poreznoj registraciji koje sadrži ID broj (samo za udruženja),
d) uvjerenje porezne uprave o izmirenim poreskim obavezama (samo za udruženja) ili Sporazum o odgođenom plaćanju ili plaćanju u ratama dužnih javnih prihoda, ne starije odnosno ne stariji od tri mjeseca od dana objave javnog poziva,
e) potvrda poslovne banke da račun nije blokiran iz koje se vidi broj transakcijskog računa - ne starija od tri mjeseca od dana objave javnog poziva (za udruženja i za MZ),

Ispunjavanje uslova iz člana II. stav 1. tačka d) i stav 2. tačka b) provjerit će se službenim putem.

Dokumentacija se podnosi u originalu ili ovjerenoj kopiji na starijoj od 6 mjeseci.

Neće se finansirati projekti aplikanta koji nisu izvršili svoje obaveze po ranije odobrenim projektima finansiranim iz Budžeta Općine Čelić

III – NAČIN, ROK PODNOŠENJA PRIJAVA I OSTALE BITNE INFORMACIJE ZA JAVNI POZIV

Ovaj Javni poziv se objavljuje na Oglasnoj ploči i web stranici Općine Čelić.
Rok za podnošenje prijave je 20.06.2026.godine.

Vrijednost svakog pojedinačnog projekta ne može biti veća od 3.000,00 KM.
Izuzetno, može se dodijeliti iznos veći od 3.000,00 KM, ali ne veći od 5.000,00 KM, ukoliko Komisija za odabir korisnika sredstava ocijeni da je svrha projekta, od naročitog značaja ili interesa za područje i stanovnike općine Čelić.

Ako aplikant aplicira na oblast ili grant koji je van područja njenog djelovanja, Komisija će odbaciti prijavu.

U slučaju nedostatka sredstava u Budžetu Općine Čelić za tekuću godinu na budžetskoj stavci predviđenoj za finansiranje projekata na koje se odnosi javni poziv, obustaviti će se realizacija dodjele finansijskih sredstava u potpunosti ili djelimično, srazmjerno nedostajućim sredstvima i okončat će se Javni poziv.

Korisnici sredstava su dužni, u roku od 90 dana od dana uplate sredstava, dostaviti narativni i finansijski izvještaj o utrošku dodijeljenih sredstava sa pratećom finansijskom dokumentacijom, a u suprotnom su dužni izvršiti povrat istih.

Prihvataju se samo oni troškovi aktivnosti manifestacije koji su nastali nakon donošenja Odluke o dodjeli finansijskih sredstava.

Prijava sa neophodnom dokumentacijom se podnosi na propisanom obrascu koji se može preuzeti u šalter sali Općine Čelić i/ili na web-stranici Općine, na protokol Općine ili putem pošte na adresu:

Općina Čelić
Alije Izetbegovića 60/2, 75246 Čelić
sa naznakom: Javni poziv
za podnošenje prijava za finansiranje/sufinansiranje aktivnosti u okviru manifestacije
„Bosna u srcu, Čelić u srcu“ 2026 godine



OPĆINSKI NAČELNIK
Admir Hrustanović, dipl.oec